

ხშირად დასმული კითხვები

საკითხები:

ახალგაზრდა მეცნიერი
მენტორი და კონსულტანტი
დამხმარე პერსონალი
მასპინძელი დაწესებულება
საკონკურსო დოკუმენტაცია
გეგმა-გრაფიკი
ბიუჯეტი

ახალგაზრდა მეცნიერი

1. კითხვა: ვმონაწილეობ დიდი გრანტების კონკურსის ორ პროექტში. მაქვს თუ არა უფლება მონაწილეობა მივიღო ახალგაზრდა მეცნიერთა კვლევების კონკურსში?
პასუხი: დიახ, გაქვთ.
2. კითხვა: დისერტაცია დაცული მაქვს, მაგრამ დიპლომი ჯერ არ ამიღია. როგორ მოვიქცე?
პასუხი: წარმოადგინეთ დოკუმენტი, რომელიც დაადასტურებს რომ მოგენიჭათ მეცნიერებათა დოქტორის ხარისხი.
3. კითხვა: სადოქტორო დისერტაცია ოფიციალურად უკვე ჩავაბარე, თუმცა დისერტაციის დაცვა ჯერ არ მქონია. შემიძლია კონკურსში მონაწილეობა?
პასუხი: არა, კონკურსში მონაწილეობა შეუძლიათ მხოლოდ იმ პირებს, ვისაც დოქტორის ან მასთან გათანაბრებული ხარისხი მიენიჭათ 2018 წლის 2 აპრილამდე.

მენტორი და კონსულტანტი

4. კითხვა: შეიძლება თუ არა, რომ დისერტაციის სამეცნიერო ხელმძღვანელი იყოს მენტორი?
პასუხი: დიახ, შესაძლებელია.

5. კითხვა: სავალდებულოა თუ არა, მენტორი იყოს მასპინძელი დაწესებულებიდან?
პასუხი: დიახ, სავალდებულოა.
6. კითხვა: რა იგულისხმება მენტორის კვალიფიკაციაში?
პასუხი: მენტორს უნდა ჰქონდეს პროექტის საკითხების შესაბამისი კვალიფიკაცია და გამოცდილება.
7. კითხვა: აუცილებელია, მენტორი წარმოადგენდეს მასპინძელი დაწესებულების აკადემიურ პირს?
პასუხი: დიახ, სავალდებულოა. მენტორი აუცილებლად უნდა იყოს მასპინძელი დაწესებულების აკადემიური/სამეცნიერო პერსონალი.
8. კითხვა: შესაძლებელია თუ არა, რომ მენტორს და ახალგაზრდა მეცნიერს ერთნაირი აკადემიური თანამდებობა ეკავოთ?
პასუხი: დიახ, შესაძლებელია.
9. კითხვა: კონსულტანტი მასპინძელი დაწესებულების წარმომადგენელი უნდა იყოს?
პასუხი: არ არის აუცილებელი, რომ კონსულტანტი იყოს მასპინძელი დაწესებულების აკადემიური/სამეცნიერო პერსონალი.
10. კითხვა: შეიძლება, რომ პროექტში ჩართული არ იყოს კონსულტანტი?
პასუხი: დიახ, პროექტში კონსულტანტის ჩართვა სავალდებულო არ არის.
11. კითხვა: აუცილებელია, რომ მენტორი და კონსულტანტი GMUS-ში დარეგისტრირდნენ?
პასუხი: დიახ, აუცილებელია

დამხმარე პერსონალი

12. კითხვა: ვინ შეიძლება იყოს დამხმარე პერსონალი?
პასუხი: დამხმარე პერსონალი შეიძლება იყოს: ლაბორანტი, ბაკალავრიატის სტუდენტი, ბაკალავრი, მაგისტრანტი, მაგისტრი ან მასთან გათანაბრებული აკადემიური ხარისხის მქონე პირი და დოქტორანტი.
13. კითხვა: სავალდებულოა, რომ პროექტში ჩართული იყოს დამხმარე პერსონალი?
პასუხი: არ არის სავალდებულო პროექტში დამხმარე პერსონალის გათვალისწინება.

მასპინძელი დაწესებულება

14. კითხვა: შესაძლებელია თუ არა, პროექტი წარმოვადგინოთ მასპინძელი დაწესებულების გარეშე?

პასუხი: არა, პროექტს აუცილებლად უნდა ჰყავდეს მასპინძელი დაწესებულება.

15. კითხვა: შესაძლებელია თუ არა მასპინძელი დაწესებულება იყოს უნივერსიტეტი (უმაღლესი საგანმანათლებლო დაწესებულება), რომლის სამართლებრივი ფორმაა კერძო სამართლის იურიდიული პირი?

პასუხი: დიახ, შესაძლებელია.

16. კითხვა: აუცილებელია თუ არა, რომ პროექტში ჩართული დამხმარე პერსონალი იყოს აუცილებლად მასპინძელი დაწესებულების ბაკალავრი, მაგისტრანტი და დოქტორანტი?

პასუხი: დიახ, აუცილებელია.

17. კითხვა: საჭიროა თუ არა მასპინძელი დაწესებულებიდან თანხმობის წერილი მატერიალურ-ტექნიკურ ბაზაზე წვდომის შესახებ?

პასუხი: არა, საჭირო არაა.

საკონკურსო დოკუმენტაცია

18. კითხვა: ხომ არ არის შეზღუდული საპროექტო წინადადების სიტყვების ან გვერდების რაოდენობა?

პასუხი: რეკომენდებულია, საპროექტო წინადადება არ აღემატებოდეს 5000 სიტყვას.

19. კითხვა: სავალდებულოა თუ არა ინგლისური დოკუმენტაციის წარმოდგენა?

პასუხი: დიახ, ინგლისური დოკუმენტაციის წარმოდგენა სავალდებულოა.

20. კითხვა: უცხოელი კონსულტანტის თანხმობის წერილი ნოტარიალურად უნდა იყოს დამოწმებული?

პასუხი: უცხოელი კონსულტანტის თანხმობის წერილის ქართული თარგმანი დამოწმებული უნდა იყოს თარჯიმანთა ბიუროს მიერ.

გეგმა-გრაფიკი

21. კითხვა: როგორ უნდა გაიწეროს კონფერენცია, თუ წინასწარ არ არის ცნობილი რომელ კონფერენციაზე მოგვიწევს წასვლა?

პასუხი: რეკომენდებულია, წინასწარ მოძებნოთ მომავალი 2 წლის განმავლობაში დაგეგმილი თქვენი თემატიკის შესაბამისი კონფერენციები, შეარჩიოთ კონფერენციაზე წასვლის პერიოდი და ა.შ.

22. კითხვა: აუცილებელია, რომ ზუსტად მივუთითოთ ის კონფერენცია, რომელზე დასწრებასაც ვაპირებთ?

პასუხი: წინასწარ არ არის საჭირო მიეთითოს კონკრეტული ღონისძიება რომელზეც გსურთ დასწრება. შეგიძლიათ ზოგადად ჩაწეროთ, რომ აპირებთ კონფერენციაზე დასწრებას.

ბიუჯეტი

23. პროექტის ბიუჯეტი ითვალისწინებს თუ არა ლაბორატორიული მომსახურების ხარჯები ბიუჯეტის რომელ მუხლში უნდა აისახოს?

პასუხი: ლაბორატორიული მომსახურების ხარჯის გაწევა შესაძლებელია „ლაბორატორიული სამუშაოებისათვის საჭირო საშუალებების შეძენისა და მომსახურების ხარჯების“ მუხლიდან თანხის გათვალისწინების შემთხვევაში.

24. კითხვა: ბიუჯეტის რომელ მუხლში შეიძლება გაიწეროს საარქივო მომსახურების ხარჯები?

პასუხი: „ლაბორატორიული სამუშაოებისათვის საჭირო საშუალებების შეძენისა და მომსახურების ხარჯების“ მუხლში.

25. კითხვა: პროექტის ბიუჯეტი ითვალისწინებს თუ არა კარტრიჯის შეძენის ხარჯს?

პასუხი: კარტრიჯის შეძენის ხარჯი შეგიძლიათ გაითვალისწინოთ ზედნადები ხარჯების მუხლში.

26. კითხვა: საკანცელარიო ხარჯები თუ ფინანსდება?

პასუხი: ეს ხარჯები შეგიძლიათ გაითვალისწინოთ ზედნადები ხარჯების მუხლში.

27. კითხვა: პროექტი აუცილებლად უნდა ითვალისწინებდეს თუ არა ზედნადებ ხარჯებს?

პასუხი: შეგიძლიათ პროექტში არ გაითვალისწინოთ ზედნადები ხარჯები.

28. კითხვა: შეგიძლია თუ არა გავწიოთ კონსულტანტის მოწვევის ხარჯები?

პასუხი: არა, ამ ხარჯს ბიუჯეტი არ ითვალისწინებს.

29. კითხვა: თუ ნაშთი დამრჩა საანგარიშო პერიოდის ბოლოს დაიკარგება თუ არა?

პასუხი: ნაშთი გადავა მომდევნო საანგარიშო პერიოდში. პროექტის დასრულების შემდგომ დარჩენილი ნაშთი კი ბრუნდება ხაზინაში.

30. კითხვა: შეიძლება თუ არა, პროექტის ფარგლებში გავიარო სასწავლო კურსები ან სტაჟირება, კვალიფიკაციის ამაღლება?

პასუხი: შესაძლებელია, იმ შემთხვევაში თუ კურსის/სტაჟირების თემატიკა პირდაპირ კავშირშია პროექტის კვლევითი ამოცანების შესრულებასთან. ამ ტიპის აქტივობისათვის გრანტიდან შეგიძლიათ აანაზღაუროთ: დღიური ხარჯები, მგზავრობა, საცხოვრებელი ფართის დაქირავების ხარჯები, ხოლო სწავლის/კურსის ღირებულება არ ანაზღაურდება.